

संविधान दिवस ते बसनीके दिआं जिम्मेदारियां 26 नवम्बर 2019 - 26 नवम्बर 2020



नरेन्द्र मोदी
प्रधानमंत्री

“जेगर संविधान, छडा सरकार लेई अनुसरण करने दा दस्तावेज गै बने दा रौहदा ऐ, तां लोकतंत्र मजबूत नेई होग, इसकारियै एहदे जमीनी सतह तगर पुज्जने दी लोड ऐ”


भारत दा संविधान

- भारत दा संविधान ओह बुनियादी कानून ऐ जेहदे नै स्थाडे मुल्खे दे सियासी ढांचे दी रूपरेखा बनी दी ऐ। संघीय ढांचे दे कन्नै इस संविधान उपर संसदीय लोकतंत्र ते गणराज्य दी बुनियाद टिकी दी ऐ।
- भारत दा संविधान एहदी स्थापना करने आहें दी दूरदर्शिता ते आदर्श गी मूर्त रूप देना ऐ। एह उंदे समाजी, सियासी ते आर्थिक विचारें, आस्था ते इच्छे आ शक्ति गी दर्शादा ऐ।
- संविधान भारती गणराज्य दे प्रमुख अंगें – कार्यपालिका, विधायिका ते न्यायपालिका दी अगुवाई करदा ऐ – उंदे अख्तियारें गी परिभाषित करदे होई उंदिए जिम्मेदारिए गी तैय करदा ऐ।
- भारत दे संविधान दिआं प्रमुख खासियतां नः

- सरकार दी संसदी प्रणाली
- संघीय ढांचा
- धर्मनिरपेक्ष मुल्ख
- आजाद न्यायपालिका

- बुनियादी अधिकार ते जिम्मेदारियां
- मुल्ख दे नीति निर्देशक सिद्धांत
- नागरिकता
- बालिग मतअधिकार

- भारत दा संविधान दुनिया दा सबभने शा लम्मा ते तफ्सीली संविधान ऐ, जेहदे निर्माण च अमरीका, बरतानिया, आयरलैंड, रूस वगैरा दे संविधाने थमां प्रेरणा लैती गेदी ऐ।
- संविधान च 395 धारां, 22 भाग ते 12 अनुसूचियां ना



भारत दे संविधान दी कैलीग्राफिक प्रति दा कवर सभा अंग्रेजी च
संविधान दी मूल पांडुलिपि चर्म पत्र उपर 16x22 इंच च लिक्वी गेदी ऐ जेहदा जीवन काल ज्हारे बरे दा ऐ। पूरी पांडुलिपि 251 सफे दी ऐ ते एहदा वजन 3.75 किलोग्राम ऐ।

“भारतीयें लेई मान-सम्मान ते भारत लेई एकता

नरेन्द्र मोदी
प्रधानमंत्री

संविधान सभा ते संविधान दा निर्माण

भारत दे संविधान दा मसौदा, संविधान सभा (1946 दे कैबिनेट मिशन प्लान दे तैहत स्थापित) आसेआ बरे 1946 थमां 1949 दे दरम्यान तैयार कीता गेआ। डा. राजेन्द्र प्रसाद होरे इस सभा दे अध्यक्ष दे रूपे

सभा दे 299 सदस्यें (15 जनानियें समेत) संविधान दा मसौदा तैयार करने च त्रौ बरे थमां घट्ट (1946 थमां 1949) समे लैता।

संविधान सभा दे सदस्यें दिसम्बर 1946 ते नवम्बर 1949 दे दरम्यान 11 कोला मते गेड दिआं बैठकां कीतीआं।

29 अगस्त 1947 गी संविधान सभा नै संविधान दा मसौदा तैयार करने लेई डा. बी.आर. अम्बेडकर हुंदी अध्यक्षता च मसौदा कमेटी दा गठन कीता।



संविजिर आइन आफादनि जुथुम्मा, दिसम्बर 1946

“भारत नै आदरजोग बाबा साहेब अम्बेडकरजी हुंदी अगुवाई च इक समावेशी संविधान दा मसौदा तैयार कीता। एह समावेशी संविधान नमें भारत दे निर्माण दे ध्येइये च सबभने शा आगे ऐ। एहदे च स्थाडे लेई किश जिम्मेदारियां बी हैन ते इसने स्थाडे लेई किश हदां बी तैय कीती दिआं न”

नरेन्द्र मोदी
प्रधानमंत्री

“संविधान छडा वकीले दा दस्तावेज गै नेई ऐ, एह जीवन दा ज़रिया ऐ ते एहदी आत्मा सदा गै जुग दी आत्मा ऐ”

डा. बी.आर. अम्बेडकर



डा. बी.आर. अम्बेडकर हुंदी प्रतिमा



केन्द्री कैबिनेट दे सदस्य भारत दे संविधान पर दस्तख्त करदे होई राजकुमारी अमृत कौर, डा. जान मथाई ते सरदार वल्लभभाई पटेल फोटू च नजरी आवैरदे ना।

भारत दे संविधान गी 26 नवम्बर 1949 गी अपनाया गेआ हा। एह 26 जनवरी 1950 गी अमल च आया। इस्से ध्याडे थमां संविधान सभा दा अस्तित्व खत्म होई गेआ ते एह दस्तावेज उसलै तगर भारत दा अंतरिम संविधान बनी गेआ जिसलै तगर 1952 च नमी संसद दा गठन नेई होई गेआ। संविधान दे मसौदे उपर विचार करदे होई, तजवीज़शुदा 7635 तरमीमें चा 2473 तरमीमें गी चर्चा परेन्त खारिज करी दिता गेआ।

299 सदस्यें चा, 284 सदस्यें संविधान दी मूल प्रति उपर दस्तख्त कीते।

संविधान सभा नै संविधान निर्माण दे तैहत बक्ख-बक्ख कम्मों गी नबेइने लेई कुल 13 कमेटियां नियुक्त कीतीआं। इंदे चा, 8 बड्डी कमेटियां ते होर दुईयां लौहकी कमेटियां हिआं।

संविधान सभा दी 8 बड्डी कमेटिएं दे नां

- मसौदा कमेटी
- केन्द्री शक्ति कमेटी
- केन्द्री संवैधानिक कमेटी
- सुबाई संवैधानिक कमेटी
- बुनियादी अधिकारें, अल्पसंख्यके ते जनजातियें
- ते बाह्य मुखे गेदे इलाके सलाहकार कमेटी
- प्रक्रिया दे नियम आहो कमेटी
- स्टेटस कमेटी
- संचालन कमेटी



24 जनवरी 1950 च संविधान सभा दे खीरले सत्र च सरदार वल्लभभाई पटेल।

संविधान सभा नै 22 जुलाई 1947 गी राष्ट्री झंडा ते 24 जनवरी 1950 गी राष्ट्रगान ते राष्ट्रगीत गी अपनाया।

आधुनिक भारती कला दे इक अग्रणी श्री नंद लाल बोस होरे संविधान दे हर सफे दे मार्जिन गी डिजाइन कीता ते इसी कलात्मक चित्रें कन्नै सजाया।

श्री प्रेम बिहारी नारायण रायज़ादा, सुलेख कला दे इक माहिर उने इकलै गै संविधान गी हत्ये नै लिक्खेआ। इस कम्म गी पूरा करने च उने गी 6 महीने लगगी गे ते एहदे लेई उने कोई पैसा बी नेई लैता



संविधान सभा के सदस्यों की सामूहिक तस्वीर, 1950

संविधान सभा ते एहदे प्रमुख सदस्य

संविधान सभा दे सदस्यें दी ताल, कैबिनेट मिशन दी सफारशें मुजब, सुबाई असेम्बलियें पाससेआ अप्रतक्ख चुनां दे राएं कीती गेई। इस सभा च 299 सदस्य हे, जेहडे 229 सूबे ते 70 राज्यें दी नुमाइंदगी करैरदे हे।

सभा दे किश मन्ने-परमन्ने दे सदस्यें च शामिल नः

डॉ. राजेन्द्र प्रसाद
सरदार वल्लभभाई पटेल
जवाहरलाल नेहरू
डॉ. बी.आर. अम्बेडकर
गोविंद बल्लभ पंत
मौलाना अबुल कलाम आजाद
सरोजिनी नायडू
राजकुमारी अमृत कौर
जे.बी. कपलानी
सी. राजगोपालाचारी
शरतचंद्र बोस

आसफ अली
श्यामा प्रसाद मुखर्जी
हंसा मेहता
गोपीनाथ बोरोदोई
हरेन्द्र कोमार मुकर्जी
बिनोदानंद झा
दुर्गाबाई देशमुख
फ्रैंक एंथोनी
जयपाल सिंह मुंडा
हरगोविंद पंत
जॉन मथाई

बेगम ऐजाज़ रसूल
के. एम. मुशी
सर्वपल्ली राधाकृष्णन
अम्मू स्वामीनाथन
एम. अनंतशयनम अयंगर
अल्लादी कृष्णास्वामी अय्यर
बी.पट्टाभी सीतारमैया
टी.प्रकाशम
एन.संजीवा रेड्डी
एस.निजलिंगप्पा
जी.वी. मावलंकर

पदमपत सिंघानिया
पुरुषोत्तमदास टंडन
सुचेता कपलानी
हसरत मोहानी
रफी अहमद किदवई
अनुग्रहनारायण सिन्हा
जगजीवन राम
सच्चिदानंद सिन्हा
सत्यनारायण सिन्हा
श्री कृष्ण सिन्हा
सेठ गोविंद दास

हरि सिंह गौर
पंजाबराव एस. देशमुख
रविशंकर शुक्ल
हरेकृष्णा महताब
एनी मस्कारिन
जीवराज नारायण मेहता
मोटूरी सत्यनारायण
दीप नारायण सिंह
सर सैयद मुहम्मद सादुल्ला
के. कामराज
पी. सुब्बारायण

I beg to move, Sir,

"That it be resolved that:

(1) After the last stroke of midnight, all members of the Constituent Assembly present on this occasion do take the following pledge: 'At this solemn moment when the people of India, through suffering and sacrifice, have secured freedom, I, a member of the Constituent Assembly of India, do dedicate myself in all humility to the service of India and her people to the end that this ancient land attain her rightful place in the world and make her full and willing contribution to the promotion of world peace and the welfare of mankind.'

(2) Members who are not present on this occasion do take the pledge (with such verbal changes as the President may prescribe) at the time they next attend a session of the Assembly."

संविधान सभा दे सदस्य आसेआ चुकी गेदी संगठ

बसनीक ते बुनियादी जिम्मेदारियां

स्थाडे संविधान दी लाजमी खासियत



“ उचित तरीके कन्नै निभाई गेदी जिम्मेदारी गै अधिकार ऐ”

महात्मा गांधी

स्थाडी नागरिक ते बुनियादी जिम्मेदारिएं दे बारे च जागरूकता फैलाने लेई (26 नवम्बर 2019 थमां 26 नवम्बर 2020) भारत सरकार आसेआ सम्बन्धे भारती बसनीके तगर पुज्ज बनाई जा'रदी ऐ।

प्रमुख मकसद

- भारत दे बसनीके गी परतिये एह् दरस्सना जे ओह् गै संविधान ते ओह्दे च दरस्से गेदे मुल्ले ते सिद्धांतें दे सच्चे संरक्षक ना।
- सम्बन्धे बसनीके गी, अपने साथी बसनीके, समाज ते मुल्ले दे प्रति उदी जिम्मेदारिएं बारे चेता करोआना।
- बसनीके अंदर राष्ट्रियता दी भावना दे प्रति गर्वभाव गी बढ़ावा देना।
- मुल्ले दे प्रति अनुशासन ते समर्पण आही भावना गी बढ़ावा देना ते राष्ट्र दे निर्माण च बसनीके दी ऊर्जा दा इस्तेमाल करने च मदद करना।

बसनीके दिएं जिम्मेदारिएं दे प्रति सोहगे रवो

- भारत दे संविधान दी प्रस्तावना पढो, आनलाईन संकल्प उप्पर दस्तख्त करो ते MyGov.in पर तुरत सर्टिफिकेट लेई लैओ
- MyGov.in पर संविधान दिवस दे आनलाईन क्विज ते निबंध प्रतियोगिता च श्रमूलियत करो
- www.doj.gov.in थमां पोस्टर, ब्रोचर ते होर दुआ आउटरीच समेयान डाउनलोड करो

“ मैं तुसें गी घट्टोघट्ट इक ध्येइया करने ते राष्ट्र दे प्रति तुदी जिम्मेदारिएं ते कन्नयें दे बारे च चिंतन करने दी गुजारिश करना। जिम्मेदारी दी बता पर टुरदे होई, 130 करोड़ कोशिशें दी ताकत ते 130 करोड़ ध्येइये मुल्ले लेई मता किश करी सकदे न”।

नरेन्द्र मोदी

प्रधानमंत्री
स्वच्छ भारत दिवस २०१९ पर

असें गी @DoJ_India ते @MyGov पर फालो करो। #itsmyduty कन्नै जुडो

तफ्छत पर भारत दे संविधान ते बुनियादी जिम्मेदारिएं दे पूरे लिखित ब्यारे गी दिक्खो <http://legislative.gov.in/constitution-of-india> पर देखें



न्याय विभाग
Department of Justice
भारत सरकार
Government of India

सत्यमेव जयते

बुनियादी जिम्मेदारियां – महत्व ते संकल्प

“ मिगी अपनी जिम्मेदारिएं दा एहसास, अपनी माता दी गोद च गै होई गेदा हा। ओह् इक बिजन पढी-लिक्खी दिआं ग्रामीण महिला हिआं... उनें गी मेरा धर्म पता हा। इस करिये जेगर असें गी बचपन च गै अपने 'धर्म' दा ज्ञान होई जा ते अस ओह्दे पर अमल दी कोशिश करन लगगी पौचे तां असें गी अपने अधिकार आपू गै मिलन लगी पौदे न... एह्दी सम्बन्धे कोला बड्डी खासियत एह् ऐ जे कुसा बी जिम्मेदारी गी निभाने कन्नै स्थाडे अधिकार अपने आप गै सुरक्षित होई जंदे ना। अधिकारें गी कदें बी जिम्मेदारिएं थमां बकखरा नेई कीता जाई सकदा। एह्दे थमां गै 'सत्याग्रह' दी पैदाइश होई ऐ किजे मैं सदा एह् जानने लेई कोशिश करदा रहँदा हा जे आखिरकार मेरी जिम्मेदारी केह् ऐ”।

बुनियादी जिम्मेदारिएं दे महत्व बारे 28 जून 1947 च दिल्ली च इक प्रार्थना सभा च महात्मा गांधी

बुनियादी जिम्मेदारिएं दे बारे च प्रेरणा, सोवियत संघ, जपान ते चीन दे संविधानें थमां हासल होई ही।

स्थाडी बुनियादी जिम्मेदारियां, भारती जीवनशैली गी बढ़ावा देने च अननुद्व मन्त्री जानी आही जिम्मेदारिएं दा संहिताकरण ना ओह् समाज लेई अनुशासन ते वचनबद्धता दी सच्ची भावना गी प्रोत्साहित करदे ना।

बुनियादी जिम्मेदारिएं दा मुख्य मकसद, हर इक बसनीक गी सदा एह् चेता करोआना ऐ जे उआं ते संविधान नै उनें गी किश खास बुनियादी अधिकार दिते न, पर एह्दे कन्नै गै लोकतांत्रिक आचरण ते लोकतांत्रिक आचार-बवहार दे किश खास बुनियादी मानके दी पालना करना बी ओह्दे लेई बड़ा जरूरी ऐ कीजे अधिकार ते जिम्मेदारियां इक-दुए कन्नै जुडे दे हूंदे ना।

“ हर इक भारतवासी गी हून एह् भुल्ली जाना लोडचदा ऐ जे ओह् कोई रातपूत, सिक्ख यां जाट ऐ। उसी पक्क गै एह् चेता रक्खना लोडचदा ऐ जे ओह् इक भारतवासी ऐ ते उसी अपने मुल्ले च हर अखियार हासल ऐ, पर किश खास जिम्मेदारिएं दे कन्नै”।

सरदार वल्लभभाई पटेल

स्थाडे संविधान च 11 बुनियादी जिम्मेदारिएं गी शामिल करने दा मुख्य मकसद, मुल्ले दे बसनीके गी थोए दे व्यापक अधिकारें दे बदले च उंदी जिम्मेदारिएं उप्पर खास जोर देना हा।

बुनियादी जिम्मेदारिएं दे तैहत सम्मान, गौरव, सैहशीलता, रमानदारी, तरक्की ते सद्भाव दे महत्वपूर्ण मुल्लें उप्पर ध्यान केन्द्रित कीता जंदा ऐ।

42में संविधान तरमीमी कानून तैहत ब रे 1976 च संविधान च शामिल बुनियादी जिम्मेदारियां, मुल्ले दे प्रति बसनीके दे बुनियादी, नैतिक ते जरूरी जिम्मेदारिएं गी निर्धारित करदिआं ना।

बुनियादी जिम्मेदारिएं गी शामिल करने दी सफारश करदे बेल्ले कायम कीती गेदी कमेटी नै एह् राय जाहू कीती ही जे मुल्ले दे बसनीक अपने बुनियादी अधिकारें दा इस्तेमाल करदे बेल्ले अपनी जिम्मेदारिएं गी नजरअदाज नेई करन, एह् यकीनी बनाने लेई ठोस गैहीं पुट्टने दी लोड ऐ।

बच्चें लेई शिक्षा दे मौके कन्नै सरबंधत 11मीं बुनियादी जिम्मेदारी गी 86में तरमीमी कानून, 2002 दे राए संविधान च जोडेआ गेआ हा।


“ लोकतंत्र छडा सरकार दा इक स्वरूप नेई ऐ... एह् लाजमी तौर उप्पर स्थाडे देशवासियें दे प्रति सम्मान ते श्रद्धा दी इक भावना ऐ”

डा. बी.आर. अम्बेडकर

बसनीक ते बुनियादी जिम्मेदारियां, छडा सक्रिय हिस्सेदारी दे राए गै स्थाडे राष्ट्री निषानें गी हासल करने च स्थाडी मदद करी सकदे ना।

अक्तूबर, 1999 च न्यायमूर्ति वर्मा हूंदी अध्यक्षता आही कमेटी नै मुल्ले दे बसनीके गी बुनियादी जिम्मेदारियां सिखाने दे बारे च सुझाव बारे इक रिपोर्ट पेश कीती ही।

संविधान (भाग 4-L, दफा 51L) च दस्सी गेदी 11 जिम्मेदारियां



“ असें गी जीने दा असल अखियार छडा तां गै मिलदा ऐ जिसले अस दुनिया दी नागरिकता दा फर्ज निभाने आं। एह् इक बुनियादी खुआन मुमकिन ऐ जे मदीं ते महिलाएं दी जिम्मेदारिएं गी परिभाषित करने ते हर इक दे अधिकार गी सम्बन्धे कोला पैहो पूरी कीती जाने आही कुसा सरबंधत जिम्मेदारी कन्नै जोडने लेई मती हरे तगर पर्याप्त ऐ। हर उस दुए अधिकार गी पूर्व अनुमान दे रूप च समझेआ जाई सकदा ऐ जिसी हासल करने लेई शायद गै लडने दी लोड होऐ”

महात्मा गांधी

बुनियादी जिम्मेदारियां ते अधिकार इक्के सिक्के दे दौं पैहु ना।

महात्मा गांधी हूँदा आखना ऐ जे जिम्मेदारी दा ज़रिया अधिकार ऐ। जेगर अस अपनी जिम्मेदारिएं गी निभाने आं, तां अधिकार अपने-आप हासल होई जाडन ।

लोकतंत्र उसले तगर समाज च अपनी हूँगी जडां नेई जमाई सकदा जिसले तगर मुल्ले दे बसनीक, अपने बुनियादी अधिकारें दे कन्नै अपनी जिम्मेदारिएं दा खरी चाल्नी पालन नेई करदे।

हर इक अधिकार दे कन्नै इक सरबंधत जिम्मेदारी बी जुडी दी हूंदी ऐ। कुसा बी माहू आसेआ अपनी नागरिक जिम्मेदारी गी निभाना, होरनें दे अधिकारें गी यकीनी बनांदा ऐ।

अस अपने अधिकारें लेई उसले हकदार आं जिसले अस अपनी जिम्मेदारिएं गी निभाने आं।

स्थाडे संविधान च बुनियादी जिम्मेदारिएं गी जोडी देने कन्नै एह् मनुक्खी अधिकारें दे कुल संसारी घोशणा पत्रर दी दफा

29(1) दे कन्नै श्रेणीबद्ध होई गे ना।